



სსიპ - განათლების ხარისხის განვითარების ეროვნული ცენტრი

სარეგულაციო და საკონტროლო ხელსაწყოებისა და აპარატების გამარტივებული ელექტრონული
ტენდერით შესყიდვის სატენდერო დოკუმენტაცია

CPV - 38570000

სარჩევი

1. ინფორმაცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დამატებითი ინფორმაცია
5. აფიდავიტის საილუსტრაციო ფორმა (დანართი №1)
6. ტენდერში მონაწილის მიერ წარმოსადგენი ინფორმაცია (დანართი №2)
7. საბანკო გარანტიის ფორმა (დანართი №3)
8. ფასების ცხრილი (დანართი №4)

1. ინფორმაცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში შესყიდვების პროცედურები ხორციელდება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად (იხ.: <http://procurement.gov.ge/>.)

2. ტექნიკური დოკუმენტაცია

2.1. საკვალიფიკაციო მონაცემების დასაკმაყოფილებლად წარმოსადგენი დოკუმენტაცია: (შემსყიდველი ორგანიზაცია მიმწოდებელს ქვემოთ ჩამოთვლილი საკვალიფიკაციო მონაცემების დასაკმაყოფილებლად დოკუმენტაციის წარმოდგენას სთხოვს სატენდერო დოკუმენტაციასა და ხელშეკრულების პროექტში მითითებული ვალდებულების ჯეროვანი შესრულების უზრუნველყოფის მიზნით. აუცილებელია რომ მიმწოდებელი იყოს გადახდისუნარიანი სუბიექტი და ქონდეს ვალდებულების შესასრულებლად აუცილებელი მატერიალური რესურსი).

2.1.1. იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

ბ) ცნობა სსიპ - საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.

2.1.2. ფიზიკური პირებისათვის:

ა) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ;

ბ) პირადობის დამადასტურებელი დოკუმენტის ასლი.

2.2. ამ პუნქტის 2.1 ქვეპუნქტით გათვალისწინებული ადმინისტრაციული ორგანოებიდან წარმოსადგენი დოკუმენტები გაცემული უნდა იყოს ტენდერისთვის „ტენდერი გამოცხადებულია“ სტატუსის მინიჭების შემდეგ.

2.3. ამ პუნქტის 2.1 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, სისტემის გამოყენების გარეშე, საქართველოს კანონმდებლობით დადგენილი ფორმით, სატენდერო კომისიის მიერ განსაზღვრულ ვადაში უნდა იქნეს წარმოდგენილი შემსყიდველ ორგანიზაციაში. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას. პრეტენდენტს უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები (ელექტრონული სახით) შემსყიდველ ორგანიზაციას წარუდგინოს სისტემის მეშვეობითაც, საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის. ხელშეკრულების ხელმოწერის მომენტისათვის საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენლობა გამოიწვევს დისკვალიფიკაციის წესის მე-13 მუხლის მე-2 პუნქტის „ე“ ქვეპუნქტისა და მე-16 მუხლის მე-6 პუნქტის „გ“ ქვეპუნქტის საფუძველზე. არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს წესის მე-2 მუხლის პირველი პუნქტის „ვ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტმა ერთიან ელექტრონულ სისტემაში უნდა ატვირთოს:

ა) მონაცემები (რეკვიზიტები) ტენდერში მონაწილის შესახებ, სატენდერო წინადადების ფასი, ხელშეკრულების უზრუნველყოფის საბანკო გარანტიის ოდენობა პროცენტულად და მისი მოქმედების ვადა დანართი №2–ის შესაბამისად;

ბ) დადასტურება, რომ იგი ეთანხმება სატენდერო დოკუმენტაციაში მოცემულ ყველა პირობას;

გ) ფასების ცხრილი დანართი №4-ის შესაბამისად;

2.5. ანგარიშსწორების პირობები:

2.5.1. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან და მონტაჟთან დაკავშირებული ყველა გადასახადის, მათ შორის დღგ-ს გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაეკვემდებარება ანაზღაურებას;

2.5.2. ანგარიშსწორება მოხდება უნაღდო ანგარიშსწორებით ლარებში;

2.5.3. ანგარიშსწორება მოხდება მიღება-ჩაბარების აქტის ან/და ანგარიშგაქტურის გაფორმებიდან არაუგვიანეს 10 (ათი) სამუშაო დღის განმავლობაში;

2.5.4. წინასწარი ანგარიშსწორება (ავანსი) არ გამოიყენება.

2.6. ხელშეკრულების უზრუნველყოფის საშუალებად გამოიყენება საბანკო გარანტია ხელშეკრულების საერთო ღირებულების 5%-ის ოდენობით, დანართი №3-ის მიხედვით, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულებით გათვალისწინებული საქონლის მიწოდების ვადას.

2.7. შესყიდვის ობიექტის ტექნიკური დავალება:

2.7.1. შესყიდვის ობიექტია მომხმარებელთა ნაკადის მართვის სისტემა, რომელიც უნდა შედგებოდეს შემდეგი კომპონენტებისაგან:

ა) ბილეთის საბეჭდი ტერმინალი - 1 ცალი;

ბ) ოპერატორის დისპლეი - 5 ცალი;

გ) ვიზიტორთა გამოსაძახებელი პროგრამული პულტი - 5 ცალი;

დ) ხმის გამაძლიერებელი - 1 ცალი;

ე) 40 დიუმიანი LCD ცენტრალური მონიტორი - 1 ცალი.

2.7.2. ბილეთის საბეჭდ ტერმინალს უნდა ჰქონდეს 17 დიუმიანი LCD სენსორული ეკრანი, ტერმინალში ჩაშენებული უნდა იყოს ბილეთის საბეჭდი თერმული პრინტერი და კონტროლერი, რომელიც მართავს რიგის სისტემას. სისტემის მართვა და კონფიგურირება უნდა ხდებოდეს ლოკალურად, კონტროლერის საშუალებით. მონტაჟის ფორმა: იატაკზე სადგამი.

2.7.3. ოპერატორის დისპლეი უნდა ემყარებოდეს LED ტექნოლოგიას, შუქ-დიოდების რაოდენობა 512, 16x32 პიქსელი. წითელი, ყვითელი ან მწვანე ფერის ინდიკაციით. დისპლეის უნდა ჰქონდეს 3 ციფრისა და 1 ასოს გამოსახვის შესაძლებლობა.

2.7.4. ვიზიტორთა გამოსაძახებელ პროგრამულ პულტს უნდა ჰქონდეს შემდეგი ფუნქციები: მომხმარებლის გამოძახება, განმეორებით გამოძახება, გადამისამართება სხვა ოპერატორთან ან სხვა რიგში, ბილეთის ნომრის შეყვანით მომხმარებლის გამოძახება, მომხმარებლის გამოძახების გარკვეული დროით დაყოვნება.

2.7.5. ხმის გამაძლიერებელის გონგის ხმის მართვა და კონფიგურირება უნდა ხდებოდეს ტერმინალიდან.

2.7.6. 40 დიუმიანი LCD ცენტრალურ მონიტორზე შესაძლებელი უნდა იყოს ერთდროულად აისახოს რიგის ინფორმაცია და სხვა ვიდეო ინფორმაცია, მორბენალი სტრიქონი, დრო და თარიღი.

2.7.7. სისტემის პროგრამულ ნაწილს უნდა შეეძლოს სტატისტიკური მონაცემების გენერირება სხვადასხვა პარამეტრების მიხედვით.

2.7.8. სისტემის შემადგენელ თითოეულ კომპონენტზე უნდა ვრცელდებოდეს მინიმუმ 2 (ორი) წლიანი გარანტია;

2.7.9. მიმწოდებელმა უნდა უზრუნველყოს შემსყიდველი ორგანიზაციის მიერ სისტემის ექსპლუატაციისათვის გამოყოფილი თანამშრომლების ინსტრუქტაჟი;

2.7.10. საგარანტიო ვადის განმავლობაში მიმწოდებელი ვალდებულია შეტყობინების მიღებისთანავე განახორციელოს შესყიდვის ობიექტის შეკეთება ან შეცვლა შემსყიდველის მხრიდან რაიმე დამატებითი ხარჯის გაწევის გარეშე. საგარანტიო ვადის განმავლობაში მიმწოდებელმა უნდა უზრუნველყოს შესყიდვის ობიექტის შეკეთება შეტყობინების მიღებიდან არაუმეტეს 2 (ორი) კალენდარული დღისა, ხოლო თუ შესყიდვის ობიექტი შეკეთებას არ ექვემდებარება, მიმწოდებელმა უნდა შეცვალოს ის არაუმეტეს 5 (ხუთი) კალენდარული დღისა;

2.7.11. მიმწოდებელმა უნდა უზრუნველყოს შესყიდვის ობიექტის მიწოდება და მონტაჟი ხელშეკრულების გაფორმებიდან არაუგვიანეს 5 (ხუთი) სამუშაო დღის ვადაში შემსყიდველის მისამართზე (ქ. თბილისი მ. ალექსიძის ქ. №1). საქონლის მიწოდებასთან, მონტაჟთან და სისტემის ექსპლუატაციისათვის გამოყოფილი თანამშრომლების ინსტრუქტაჟთან დაკავშირებული ხარჯები უნდა იქნეს გათვალისწინებული პრეტენდენტის მიერ წარმოდგენილ ტექნიკურ დოკუმენტაციაში;

2.7.12. აპარატურის მონტაჟი მოიცავს: მონტაჟის ადგილზე კედლების გაბურღვას და ხვრელების მოწყობას, მონტაჟის შედეგად დარჩენილი ხვრელების და ღიობების ამოვსებას ასევე , დაზიანებული კედლის ზედაპირების პირვანდელ მდგომარეობაში მოყვანას (ამოლესვა, შეღებვა). პრეტენდენტი უფლებამოსილია გაეცნოს და დაათვალიეროს აპარატურის განთავსების ადგილი;

2.7.13 .შესყიდვის სავარაუდო ღირებულება: 21000 (ოცდაერთი ათასი) ლარი;

2.7.14. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი არის სახელმწიფო შესყიდვის შესახებ ხელშეკრულების პროექტი, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება შეიძლება პრეტენდენტთან ხელშეკრულების გაფორმების პროცესში

ქ.თბილისი

2011 წელი

ერთის მხრივ, სსიპ - განათლების ხარისხის განვითარების ეროვნული ცენტრი (შემდგომში - შემსყიდველი), წარმოდგენილი მისი დირექტორის მოადგილის, დავით კერესელიძის სახით და მეორეს მხრივ, _____ (შემდგომში - მიმწოდებელი) წარმოდგენილი -----სახით, სახელმწიფო შესყიდვების შესახებ საქართველოს კანონმდებლობით გათვალისწინებული მოთხოვნების დაცვით ვდებთ სახელმწიფო შესყიდვის შესახებ წინამდებარე ხელშეკრულებას

მუხლი 1. ტერმინთა განმარტებები

1.1. ხელშეკრულება - წინამდებარე სახელმწიფო შესყიდვის შესახებ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტითურთ.

1.2. შემსყიდველი - ორგანიზაცია, რომელიც ახორციელებს შესყიდვას.

1.3. მიმწოდებელი - პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.4. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.

1.5. დღე, კვირა, თვე - კალენდარული დღე, კვირა, თვე.

1.6. ფორსმაჟორი - მოცემულ შემთხვევაში აუცდენელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გაუთვალისწინებელ ხასიათს, კერძოდ, მიწისძვრა, წყალდიდობა, ხანძარი, ომი, რევოლუცია, აჯანყება, იმპორტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

მუხლი 2. ხელშეკრულების საგანი

2.1. ხელშეკრულების საგანია სარეგულაციო და საკონტროლო ხელსაწყოებისა და აპარატების (CPV – 38570000, სატენდერო განცხადების ნომერი -----) შესყიდვა (თანმდევი მომსახურებით - მონტაჟი) ამ ხელშეკრულებით გათვალისწინებული ანაზღაურების სანაცვლოდ.

2.2. ხელშეკრულებით გათვალისწინებული საგნის აღწერა მოცემულია დანართ №1-ში, რომელიც წარმოადგენს ხელშეკრულების განუყოფელ ნაწილს.

მუხლი 3. ხელშეკრულების საგნის ღირებულება

3.1. ხელშეკრულების საგნის საერთო ღირებულება შეადგენს _____ ლარს.

3.2. ხელშეკრულების საგნის საერთო ღირებულება მოიცავს შესყიდვის ობიექტის მიწოდებასთან, მონტაჟთან და სისტემის ექსპლუატაციისათვის გამოყოფილი თანამშრომლების ინსტრუქტაჟთან დაკავშირებულ ანაზღაურებას საქართველოს კანონმდებლობით გათვალისწინებული ყველა სახის გადასახადისა და მოსაკრებლის ჩათვლით.

მუხლი 4. მიღება-ჩაბარება და ანგარიშსწორება

4.1. შესყიდვის ობიექტის მიღება დასტურდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტით ან/და ანგარიშფაქტურით. შემსყიდველის მხრიდან მიღება-ჩაბარების აქტისა და ანგარიშფაქტურის ხელმოწერაზე უფლებამოსილია წინამდებარე ხელშეკრულების 7.1 პუნქტში მითითებული პირი.

4.2. მიღება-ჩაბარების აქტის ან/და ანგარიშფაქტურის ხელმოწერასთან ერთად, მიმწოდებელი ვალდებულია, წარმოუდგინოს შემსყიდველს საქართველოს კანონმდებლობით გათვალისწინებული

შესაბამისი საგადასახადო დოკუმენტაცია.

4.3. მიმწოდებელთან ანგარიშსწორება ხდება უნაღდო ანგარიშსწორების ფორმით ეროვნულ ვალუტაში მიმწოდებლის მიერ ხელშეკრულებაში მითითებულ საბანკო ანგარიშზე.

4.4. ანგარიშსწორება განხორციელდება საქონლის მიღება-ჩაბარების აქტის ან/და ანგარიშფაქტურის გაფორმებიდან 10 (ათი) სამუშაო დღის განმავლობაში.

მუხლი 5. შესყიდვის ობიექტის მიწოდების ადგილი და ვადა

მიმწოდებელი შესყიდვის ობიექტის მიწოდებას უზრუნველყოფს ხელშეკრულების გაფორმებიდან არაუგვიანეს 5 (ხუთი) სამუშაო დღისა შემსყიდველის მისამართზე (ქ. თბილისი მ. ალექსიძის ქ. №1).

მუხლი 6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) გამოითხოვოს მიმწოდებლისაგან ხელშეკრულების პირობების შესრულებასთან დაკავშირებული დოკუმენტები.

6.2. მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი ვალდებულია:

ა) ჯეროვნად, კეთილსინდისიერად, დათქმულ დროსა და ადგილას შეასრულოს ხელშეკრულებით გათვალისწინებული ვალდებულებები;

ბ) გადასცეს შემსყიდველს უფლებრივად და ნივთობრივად უნაკლო შესყიდვის ობიექტი.

მუხლი 7. ხელშეკრულების ინსპექტირების პირობები

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს სსიპ - განათლების ხარისხის განვითარების ეროვნული ცენტრის სტრატეგიული განვითარებისა და მართვის სამსახურის უფროსი ან ამავე სამსახურის უფროსის მოადგილე.

7.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე შესყიდული შესყიდვის ობიექტის ხარისხის შემოწმებას.

7.3. მიმწოდებელი ვალდებულია, უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით. ინსპექტირების მიზნით გამოყენებული საკუთარი ან მოწვეული პერსონალის შრომის ანაზღაურებას უზრუნველყოფს შემსყიდველი.

7.4. ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

მუხლი 8. პირგასამტეხლო

8.1. ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 0.1%-ის ოდენობით, ხოლო ვალდებულების ნაწილის შეუსრულებლობის შემთხვევაში - ვალდებულების შეუსრულებელი ნაწილის 0.1%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ნაწილის 0.1%-ის ოდენობით.

8.2. იმ შემთხვევაში, თუ დაკისრებული პირგასამტეხლოს საერთო ოდენობა გადააჭარბებს ხელშეკრულების საერთო ღირებულების 3 (სამ) პროცენტს, შემსყიდველი უფლებამოსილია შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.3. ხელშეკრულების ნაწილის შეუსრულებლობის შემთხვევაში შემსყიდველი უფლებამოსილია, უარი თქვას ხელშეკრულებაზე, თუ დარჩენილი ნაწილის შესრულებამ მისთვის დაკარგა ინტერესი.

მუხლი 9. გარანტია

9.1. საგარანტიო ვადის განმავლობაში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ისეთი ხარვეზების აღმოფხვრა, რაც დაკავშირებული იქნება ხელშეკრულების საგნის ხარისხთან.

9.2. მიმწოდებელმა უნდა უზრუნველყოს შესყიდვის ობიექტის შეკეთება შეტყობინების მიღებიდან არაუმეტეს 2 (ორი) დღის ვადაში, ხოლო თუ შესყიდვის ობიექტი შეკეთებას არ ექვემდებარება, მიმწოდებელმა უნდა შეცვალოს ის არაუმეტეს 5 (ხუთი) დღის ვადაში.

9.3. მიმწოდებლის მიერ 9.2. პუნქტში მითითებული ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ნაკლის აღმოსაფხვრელად და მოსთხოვოს მიმწოდებელს შესაბამისი ხარჯების ანაზღაურება.

მუხლი 10. ფორსმაჟორი

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორსმაჟორით.

10.2. თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

10.3. მხარეთა პასუხისმგებლობა და ვალდებულებები განახლდება ფორსმაჟორის მოქმედების დასრულებისთანავე.

მუხლი 11. სუბკონტრაქტორები

11.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბკონტრაქტორ(ებ)ის აყვანის ან შეცვლის შესახებ (სუბკონტრაქტორის აყვანის აუცილებლობის მიზეზების დასაბუთებით). სუბკონტრაქტორ(ებ)ის დასაშვებობის საკითხს წყვეტენ შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

11.2. ამ ხელშეკრულების ფარგლებში ყველა სუბკონტრაქტორთან დადებული ხელშეკრულების ასლი უნდა წარედგინოს შემსყიდველს.

11.3. ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

მუხლი 12. ხელშეკრულების შესრულების გარანტია

12.1. ხელშეკრულების შესრულების უზრუნველსაყოფად გამოიყენება საბანკო გარანტია, ხელშეკრულების საერთო ღირებულების 5%-ის ოდენობით. მისი მოქმედების ვადა 30 დღით უნდა აღემატებოდეს საქონლის მიწოდების საბოლოო ვადას.

12.2. საბანკო გარანტია გამოიყენება მიმწოდებლის მიერ ხელშეკრულებით ნაკისრი ვალდებულების შეუსრულებლობის ან არაჯეროვანი შესრულების დროს.

12.3. საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მიმწოდებელს მხარეთა შორის ხელშეკრულების საგნის შესახებ მიღება-ჩაბარების აქტის ან/და ანგარიშფაქტურის გაფორმებიდან 5 (ხუთი) დღის ვადაში.

12.4. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია, მიმწოდებლის მოთხოვნისთანავე დაუბრუნოს მას საბანკო გარანტია.

მუხლი 13. ხელშეკრულებაში ცვლილების შეტანა და ხელშეკრულების შეწყვეტა

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13.3. ხელშეკრულება შეიძლება შეწყდეს:

- ა) მხარეთა ინიციატივით, ურთიერთშეთანხმების საფუძველზე;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) თუ მიმწოდებლის მიმართ დაიწყება გაკოტრების საქმის წარმოება;
- დ) თუ ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბია;
- ე) საქართველოს კანონმდებლობით გათვალისწინებულ სხვა შემთხვევებში.

მუხლი 14. დავები, მათი გადაწყვეტის წესი და გამოსაყენებელი სამართალი

14.1. ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

14.2. ხელშეკრულება დადებულია საქართველოს კანონმდებლობის შესაბამისად და მისი დებულებები განიმარტება საქართველოს კანონმდებლობის მიხედვით.

მუხლი 15. შეტყობინება

15.1. ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ფაქსის/ელექტრონული ფოსტის მეშვეობით, ორიგინალის შემდგომი წარმოდგენით.

15.2. შეტყობინება ძალაში შედის ადრესატის მიერ მისი მიღების დღეს.

მუხლი 16. გადასახადები და დაბეგვრა

16.1. უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლის და სხვა გადასახადების გადახდაზე, რომლებიც გადასახდელია საქართველოს ფარგლებში და მის გარეთ.

16.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე, თუ ხელშეკრულების პირობებით სხვა რამ არ არის გათვალისწინებული.

მუხლი 17. ხელშეკრულების ენა

ხელშეკრულება შედგენილია ქართულ ენაზე სამ ეგზემპლარად. ერთი ეგზემპლარი ინახება მიმწოდებელთან, ორი - შემსყიდველთან. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. განმარტებისას უპირატესობა ენიჭება ქართულ ენაზე შედგენილ ხელშეკრულებას.

მუხლი 18. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2011 წლის 31 დეკემბრამდე.

მუხლი 19. სხვა პირობები

19.1 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, თანხებით და რისკით.

19.3 მიმწოდებლის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

მიმწოდებლის მხრიდან:

შემსყიდველი ორგანიზაციის მხრიდან:

სატენდერო დოკუმენტაციის შესახებ დამატებითი ინფორმაციის და განმარტებებისათვის
მიმართეთ სატენდერო კომისიის აპარატს. საკონტაქტო პირები: დავით მაკარიძე - 577 24 37 60,
ედიშერ ჩუბინიძე - 577 27 88 64

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

☐ სატენდერო წინადადების ფასი;

☐ სატენდერო წინადადების ფასის გამოთვლის მეთოდი, კოეფიციენტი ან ფორმულა;

☐ სატენდერო წინადადების წარდგენა ან წარდგენისგან თავის შეკავება;

☐ ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;

☐ შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

☐ ჭავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების

დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლისსამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

ტენდერში მონაწილის მიერ წარმოსადგენი ინფორმაცია

1. მონაცემები ტენდერში მონაწილის შესახებ:

1.1 იურიდიული პირებისათვის:

- ა) იურიდიული პირის სახელწოდება და სამართლებრივი ფორმა;
- ბ) ხელმძღვანელის სახელი და გვარი;
- გ) მისამართი (იურიდიული/ფაქტიური);
- დ) საიდენტიფიკაციო კოდი;
- ე) ტელეფონის ნომერი, ელ.ფოსტის მისამართი;
- ვ) ბანკის კოდი, ანგარიშსწორების ნომერი.

1.2. ფიზიკური პირებისათვის:

- ა) სახელი და გვარი;
- ბ) მისამართი (რეგისტრაციის/ფაქტიური);
- გ) ბანკის კოდი, ანგარიშსწორების ნომერი.

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

3. ხელშეკრულების უზრუნველყოფის საბანკო გარანტიის ოდენობა პროცენტულად და ინფორმაცია მისი მოქმედების ვადის შესახებ:

ხელშეკრულების შესრულების საგარანტიო უზრუნველყოფა
(საბანკო გარანტია)

ვის:

(შემსყიდველის დასახელება)
მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში
წარდგენილი თავისი _____
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო
გარანტია
მასზე დაკისრებული ვალდებულებების შესრულების გარანტიის სახით ხელშეკრულებაში
მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ
აღნიშნული
გარანტია.
ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს
წინაშე
მიმწოდებლის სახელით საერთო თანხაზე:

_____ (თანხა ციფრობრივად, სიტყვიერად,
ვალუტის მითითებით)

და ვკისრულობთ ზემოაღნიშნული თანხის გადახდას მიმწოდებლის მიერ
ხელშეკრულების
პირობების დარღვევის საფუძველზე თქვენი პირველივე მოთხოვნისთანავე.
წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)

ფასების ცხრილი

პრეტენდენტის დასახელება.....

N	საქონლის დასახელება	საქონლის ძირითადი მახასიათებლები	რაოდენობა (ცალი)	გარანტია	ერთეულის ფასი	საერთო ფასი
1	ბილეთის საბეჭდი ტერმინალი	17 დიუმიანი LCD სენსორული ეკრანი, ტერმინალში ჩაშენებული უნდა იყოს ბილეთის საბეჭდი თერმული პრინტერი და კონტროლერი, რომელიც მართავს რიგის სისტემას. სისტემის მართვა და კონფიგურირება უნდა ხდებოდეს ლოკალურად, კონტროლერის საშუალებით. მონტაჟის ფორმა: იატაკზე სადგამი.	1	არანაკლებ 2 წელი		
2	ოპერატორის დისპლეი	უნდა ემყარებოდეს LED ტექნოლოგიას, შუქ-დიოდების რაოდენობა 512, 16x32 პიქსელი. წითელი, ყვითელი ან მწვანე ფერის ინდიკაციით. დისპლეის უნდა ჰქონდეს 3 ციფრისა და 1 ასოს გამოსახვის შესაძლებლობა.	5	არანაკლებ 2 წელი		
3	ვიზიტორთა გამოსაძახებელი პროგრამული პულტი	ფუნქციები: მომხმარებლის გამოძახება, განმეორებით გამოძახება, გადამისამართება სხვა ოპერატორთან ან სხვა რიგში, ბილეთის ნომრის შეყვანით მომხმარებლის გამოძახება, მომხმარებლის გამოძახების გარკვეული დროით დაყოვნება.	5	არანაკლებ 2 წელი		
4	ხმის გამაძლიერებელი	გონგის ხმის მართვა და კონფიგურირება უნდა ხდებოდეს ტერმინალიდან.	1	არანაკლებ 2 წელი		
5	ცენტრალური მონიტორი	40 დიუმიანი LCD მონიტორი; მონიტორზე შესაძლებელი უნდა იყოს ერთდროულად აისახოს ვიზიტორთა ნაკადის ინფორმაცია და სხვა ვიდეო ინფორმაცია - მორბენალი სტრიქონი, დრო და თარიღი.	1	არანაკლებ 2 წელი		

შენიშვნა: საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის, მათ შორის დღგ-ს, გათვალისწინებით.

პრეტენდენტის ხელმოწერა_____ და ბეჭედი